

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 397. Quid & quotuplex sit blasphemia.

[urn:nbn:de:hbz:466:1-73982](#)

dicitur, & si de Deo aut Sanctis dicitur, est blasphemia. Huc etiam referuntur, quae per modum oprantis & imprecantis contra alios dicuntur.

Quæst. 394. *Quænam sint poenæ maledicti, prout comprehendit detractionem & calumniam, in privatum commissi?*

Resp. Præterquam quod ex genere suo sit peccatum mortale, ejusque reus in toro interno ad famæ & estimationis lætæ reparationem obligatur, in foro externo obnoxius est actioni injuriarum. L. item. §. 27. ff. & L. qui liberos. c. de injuriis. & consequenter poenæ arbitriariorum. Illud tamen hic notandum, quod in proximum (intelligendum videtur etiam privatum) maledicere Clericus, maximè Sacerdos, olim ad injuriæ illatæ veniam postulandam compellendus fuerit, & si renueret, degradandus, id est, suspendendus, neque ante præstitam satisfactionem ad officium ecclesiasticum unquam revocandus, ut sumitur ex can. Clericus. dist. 86. juncta Gl. v. revertetur.

Quæst. 395. *Quæ poena maledicentis Imperatori seu Principi seculari?*

Resp. Maledicere Principi seculari, quod lege divinâ prohibitum Exod. 22. v. 28. Proverb. c. 20. v. 2, ad Titum c. 3. v. 1. & quo olim censebatur quis reus criminis leæ Majestatis, teste Arnob. Lib. de gentibus. postmodum Christiani Imperatores non facile ultimo supplicio puniendum statuerunt. Menoch. de arb. caſ. 377. n. 9. Brunnenm. ad L. unic. c. si quis Imperat. maledixerit. n. 1. ubi Theodos. Arcad. Honor. de maledicto in se effuso inquirunt, si iſus ex levitate processit, contemnedum est: si ex insania, commiseratione dignissimum: si ab incuria id est, condonandum: nisi maledictum fieret in ipsum officium Principis; tunc enim puniri debet, & quidem graviter, ut poena illius alii terrorem incutiat. Arg. c. 1. b. t. idem est, si maledicta continent verba spectantia ad seditionem aut acclamations turbulentas, quibus salus Principis aut status adduceretur in discri- men, aut alia justa ratio, aut exempli necessitas scelus puniri exigeret; tunc enim causam ad Principem remitendam, qui an & quæ poenâ maledicti crimine puniendum sit, cognoscet, tradunt cum Gl. in cit. c. unic. v. remittendum. Menoch. & Brunnenm. l. c. n. 7. Quin etiam maledicens personæ Principis Supremi non recognoscens Superiorum, ex proposito, & per incuriam jacens in illum verbum contumeliosum, seu conviciosum, plectendus est pro arbitrio ipsius Principis, juxta cit. c. unic. c. si quis Imperat. maledix. Et quidem gravi poena Pirk. b. t. n. 6. talis enim Princeps potest vindicare injurias proprias. Arg. cit. c. 1. b. t. ex ea etiam ratione, quia nemo tenetur, satisfactionem injuriæ remittere, et si possit, & laudabiliter agere remittendo eam illatam sua personæ, juxta c. olim. de injur. c. gravis. de restit. spol. Pirk. num. 3. in fine. cum Abb. non tamen injuriæ illatæ suæ dignitati. cit. c. 1.

Quæst. 396. *Quæ poenæ maledicentis Papæ, Episcopo, aut alteri Prælati ecclesiastico aut Sacerdoti?*

i. Resp. Primò: Poena maledicti in summi Pontificis personam jaçitari est quoque de jure communis arbitriaria pro qualitate delicti, etiæ conveniens sit, Papam Christi in terra Vicarium

imitari illius mansuetudinem, remittendo talē in- juriam. Arg. Can. inter querelas. 23. q. 4. L. 10. C. de Episc. & Cler. si enim Principes世俗的 personæ suæ maledicentibus ignoscunt, multò magis congruit Pontificem in hac mansuetudine exemplo iis praेire, ut fecit Pius V. cuius meminit Barb. in c. 1. b. t. n. 2. aliisque AA. passim, si tamen maledictum jaçitatum contra ipsam sedem Apostolicam, seu dignitatem Pontificiam, seu officium & primatum illius, poena, & quidem gravior atque exemplatis necessariò imponi debet, juxta c. 1. b. t. & ibi DD. communiter.

2. Resp. Secundò: Quamvis Episcopus aliquem ob maledictum illatum soli personæ sua ipse met punire non possit, ut Gl. communiter recepta in can. inter querelas. tum quia nullus Superiorum habens potest esse Judex in propria causa, tum quia mansuetudo & sanctitas Episcopi requirit, ut injurias sua personæ illatas remittat. Arg. cit. L. 10. c. de Episc. & Cler. alterius tamen Judicis secularis arbitrio puniendus est, idque, etiamsi ab Episcopo desuper accusatus non sit. Host. in Sum. b. t. §. aliis maledicent. Farin. pr. crim. q. 10. f. n. 402. cum generaliter loquendo ex officio tales Judices punire debeant quemlibet, qui aliquam injuriam infest locis, aut personis sacris, ut expressè statutum cit. L. 10.

3. Resp. Tertiò: Religiosi aliquem Ecclesiæ Prælatum maledicto offendentes, aut eidem derrahentes jure communis per duos mentes subjacere debent istis personis, quæ juxta regulas & statuta eorum ob gravia crimina imponuntur; juxta textum exprium. Clem. 1. §. quibus etiam de privilegi. præterquam dispositionem juris communis per specialia Statuta suorum Ordinum gravissime puniuntur, quales personas statutas in suo ordine strictioris observantia iis, qui malè loquuntur de lummo Pontifice. Cardinalibus, Episcopis, aliisque Ecclesiæ Prælatis, nec non sui Ordinis Superioribus refert Reiffenst. b. t. num. 14.

Quæst. 397. *Quid & quotuplex sit blasphemia?*

i. Resp. Ad primum: Blasphemia est mala seu contumeliosa locutio in Deum, sicutque potissimum dupliciter, nimis dum negatur DEO, quod ei competit, ut dum dicitur, non esse omnipotens, non habere providentiam rerum humanarum; vel assertur quid ei non conveniens, v. g. quod sic crudelis, injustus. D. Thom. 2. 2. q. 13. a. 1. Sylv. v. blasphemia. q. 1. Farin. l. c. q. 20. n. 11. Pirk. b. t. n. 7. Ad hæc duo reducuntur sequentia; dum quis creaturæ tribueret, quod soli DEO competit, dicendo, v. g. diabolum æque ac Deum cognoscere secreta cordium, & futura contingentia. Sylv. l. c. n. 3. Pirk. l. c. dum quis detestatur Deum, imprecando illi, seu optando malum, v. g. ut hominum peccata nesciat, vel non punire possit; quia talia in Deum cadere non possunt; sic omnis maledictio, contumelia, convitium in Deum prolatum est blasphemia; quia sic derogatur Divinæ Majestati & Excellentia, honorique divinus diminuitur. Farin. n. 3. Pirk. l. c. Haunold. Tom. 6. de f. & f. tr. 2. n. 141. Maledictiones quoque, seu convitia jaçata in sanctos dicuntur blasphemia, quatenus saltem ex consequenti & indirecte redundant in DEUM, qui sicut in Sanctis suis laudatur & honoratur, ita etiam in illis vituperatur & contemnitur. Covar. in c. quamvis. de pænis. p. 2. relect. §. 7. num. 8. Clarus v. blasphemia. num. 1. Haunold.

Haunold. l.c. num. 140. Pith. l.c. & alii communiter. De cetero

2. Resp. Ad Secundum: Blasphemia præcipue dividitur in hæreticam, dum nimurum aliquid articulis fidei contrarium de Deo assertur vel negatur, v.g. dicendo Deum esse mendacem, non esse omnipotentem; Et in non-hæreticam, dum non pronunciat quid de Deo articulis fidei contrarium, sed quid per modum imprecationis & detestationis in illum jicitur, v.g. imprecando vel optando, ut non esset.

Quæst. 398. Quænam sit pœna blasphemie de jure divino?

1. R Esp. Primo: Olim in lege veteri, Leviticus c. 24. v. 16. jubebantur affici morte & ab omni populi multitudine lapidibus obrui.

2. Resp. Secundo: Jure Canonico veteri Clerici blasphemantis pœna est depositio ab officio & statu Clericali. can. si quis. 22. q. 1. quæ tamen pœna depositionis solum locum habet in Clericis incorrigibilibus & consuetudinem blasphemandi habentibus. nisi forte tam gravis foret unica blasphemia, ut maximam divinæ Majestati inferat injuriam. Covar. l.c. num. 10. Diaz. in præl. crim. canon. v. blasphemia. c. 114. num. 2. Laicorum vero blasphemorum pœna est excommunicatione ferenda. eod. can. si quis. Postmodum vero iis pœnitentia publica & multa pecuniaria decreta. c. fin. b. t. circa quam pœnitentiam publicam notanda sequentia: Primo eam non imponi nisi publicè blasphemanti; delicta enim occulta publicè vindicanda non sunt, can. ult. 32. q. 5. Dicitur autem publicè blasphemare non solum in iudicio deluper convictus & condemnatus, & qui in publica platea vel foro blasphemat, sed etiam qui in domo vel loco privato, multis tamen præsentibus & audiensibus, & ad Episcopum deferentibus, modò blasphemans, si neget per idoneos testes convincatur. Pith. b. t. num. 9. cum Host. hic v. publicè. Secundo: hanc pœnitentiam non imponi Clerico publicè blasphemanti, quia Clericus non agit pœnitentiam publicam, cum eam agentes ad Ordines promoveri non debeant. c. ex pœnitentib. dist. 50. c. 1. de bigam. sed puniendum pœna arbitriæ. Host. hic. n. 4. Abb. n. 2. Tertio: Blasphemus privatut in gressu Ecclesiæ, donec egerit pœnitentiam, & si nolit agere pœnitentiam dictam, privatur sepulturæ ecclesiasticæ. Abb. in cit. c. ult. n. 3. Quartù: Ab hac pœnitentia publica absolvere potest solus Papa; ab occulta vero & privata, quam imponere potest Sacerdos proprius, idem absolvere potest. Abb. & Host. l.c. num. 9. Notandum denique, quod in calore iracundiae vel etiam ebrietate blasphemans publicè, non incurrat pœnam ordinariam, sed puniendum arbitrio judicis. Clarus v. blasphemia. num. 6. Menoch. de arb. caſ. 37f. num. 33. Fatin. pr. Crim. L. I. tit. 3. q. 20. num. 47. Pith. b. t. n. 11. Ad demum in cosdem Laicos & Clericos blasphemos amissio emolumentorum aut fructuum ex officio temporali vel beneficio ecclesiastico, horumque privatio & ad obtinenda illa inhabilitas, amissio dignitatis, infamis statio ante portas Ecclesiæ, fustigatio, tritemes aliaeque pœnæ pecuniariae & corporales pro delicti & personarum delinquentium aliarumque circumstantiarum varietate ipso facto incurriende aut per sententiam infligenda statuta sunt per sequentes Pontifices, Leonem X. in bulla incipiente: Sæperne dispensationis 7. hujus Pontificis Tom. I. Bullarij Julium III. in multis. 23. illius. Pium V.

cum primum. §. illius. Tom. 2. Bullarij. quarum Constitutionum tenores per extensum legi quoque possunt, quibus non est copia Bullarij Cherubini apud Reiffenst. b. t. num. 18. Quæ tamen, quia usū ferè, aut saltem in omnibus non receptæ in punitione blasphemorum consuetudines & statuta locorum observanda monet Castrop. tr. 17. d. 2. p. 2. §. 5. num. 1.

Quæst. 399. Quænam pœna blasphemie de jure civili?

R Esp. Est pœna mortis ad exemplum legis divinæ in veteri lege. Novell. 77. quam etiam Carol. V. in consti. crim. à 106. statuit pro blasphemia gravi, præsternum in Deum, pro levi tamen in sanctos mutilationem lingua, fustigationem, carcerationem, multam pecuniariam, aliamve arbitriariam pro circumstantiarum & delinquentium diversitate. Quæ pœna capitalis potissimum locum habet, si quis ex consuetudine blasphemet, & incorrigibilis sit in hoc vitio, ut ait Pith. n. 12. quamvis hodie harum constitutionum rigor fere ubique in desuetudinem abierit, ut Covar. l.c. §. 7. num. 10. in fine. Clarus v. blasphemia. num. 3. ubi monet, Principes Christianos peccare graviter, si hoc crimen non puniant severissime; cum hoc crimen ob consuetudinem vigentem in aliqua provincia, quæ potius abusus & gravis corruptela est, impunitum relinqui non debat, vel ex eo capite, quia est contra legem naturalem, divinam & humanam, ut Covar. l.c. num. 13. quamvis tamen etiam hodie pœna arbitria imponatur blasphemie, &c., si enormis est, etiam pœna mortis ei imponi possit ac debeat. Clar. cit. n. 3. Menoch. l.c. num. 3. Fatin. cit. q. 20. num. 66. & 67. Pith. l.c. utr. annorum Superiorum exempla docuisse in Bavaria testatur Haunold. Tom. 6. trahit. 2. n. 153. Ad hæc blasphemus repellendus est à testimonio ferendo in iis causis, in quibus requiruntur testes omni exceptione majores, modò fuerit saltem semel etiam pecuniâ à Judice multatus & condemnatus, eò quod licet blasphemus non sit ipso jure infamis, sit tamen infamis saltem infamia facti, postquam à Judice de blasphemia condemnatus, adeoque jam effectus testis minus idoneus. Arg. c. lucet. de probat. ita Covar. l.c. n. 12. Pith. num. 13. Quod tamen in praxi non servari dicit Clarus, l.c. num. 4.

Quæst. 400. Quis sit Judex competens in crimine blasphemie?

1. R Esp. Primo: Dum blasphemia est hæreticalis, Judex illius competens est solus ecclesiasticus, cum juxta quod dici & probari solet tit. de heretic. & tenet Fatin. l.c. num. 39. Barb. de Off. Episc. alleg. 51. num. 93. Reiffenst. b. t. num. 27. & alii passim, quod in causa hæresis solus ecclesiasticus sit Judex competens; limitat tamen hoc ipsum Reiffenst. b. t. num. 29. ita ut vigente consuetudine contraria (uti eam in partibus Germaniæ vigere testatur) Judices Saculares etiam blasphemiam hæreticalem cognoscant ac puniant, adjectâ etiam hujus ratione, quia nimurum illæ hæreticales blasphemias ordinatiæ potius ex mente blasphemâ, quam hæreticali & errore intellectus procedunt.

2. Resp. Secundo: Blasphemia non-hæreticalis, sed simplex in Deum & Sanctos est mixta fori, adeoque de ea cognoscere potest non solum Judex Sacularis, sed etiam ecclesiasticus, & punire, etiam Laicum alioquin non subditum sibi in temporalibus